



O'ZBEKISTON RESPUBLIKASI VAZIRLAR MAHKAMASINING QARORI

20 24 yil « 20 » yanvar № 37

Toshkent sh.

“Кичик бизнесни узлуксиз қўллаб-қувватлаш” комплекс дастурини амалга ошириш чора-тадбирлари тўғрисида

Ўзбекистон Республикаси Президентининг “Ўзбекистон Республикаси Президентининг тадбиркорлар билан 2023 йилдаги очиқ мулоқотида белгиланган вазифаларни амалга ошириш чора-тадбирлари тўғрисида” 2023 йил 4 сентябрдаги ПҚ–292-сон ҳамда “Кичик бизнесни ривожлантиришни молиявий ва институционал қўллаб-қувватлаш чора-тадбирлари тўғрисида” 2023 йил 14 сентябрдаги ПҚ–306-сон қарорлари ижросини таъминлаш мақсадида Вазирлар Маҳкамаси қарор қилади:

1. Ўзбекистон Республикаси Президентининг “Кичик бизнесни ривожлантиришни молиявий ва институционал қўллаб-қувватлаш чора-тадбирлари тўғрисида” 2023 йил 14 сентябрдаги ПҚ–306-сон қарорига мувофиқ:

“Кичик бизнесни узлуксиз қўллаб-қувватлаш” комплекс дастури (кейинги ўринларда – Дастур) амалга оширилиши;

ташаббускорлар қисқа ва ўрта муддатли амалий ўқув курсларда бизнес кўникмаларига ўқитилиши;

амалий ўқув курсларини муваффақиятли тугатиб, сертификат олган ташаббускорлар Дастур доирасида молиявий ва консултатив қўллаб-қувватланиши;

“Бизнесни ривожлантириш банки” АТБ Дастурни самарали амалга ошириш ва доимий равишда такомиллаштириб бориш бўйича **асосий таянч банк** этиб белгиланганлиги маълумот учун қабул қилинсин.

2. Қуйидагиларни назарда тутувчи **“Кичик бизнесни узлуксиз қўллаб-қувватлаш” комплекс дастури ташаббускорларини танлаш, уларнинг лойиҳаларини қўллаб-қувватлаш ва молиялаштириш тўғрисидаги низом** 1-иловага мувофиқ тасдиқлансин:

Дастур иштирокчиларини танлаб олиш тартиби;

Кичик бизнесга кўмаклашиш марказлари томонидан ўқитиш жараёнини ташкил этиш;

молиявий қўллаб-қувватлаш воситаларидан фойдаланиш йўналишлари ва тартиби;

ташаббускорларга консултатив хизматлар кўрсатиш тартиби.

3. Белгилансинки:

Вазирлар Маҳкамаси ҳузуридаги **Бизнес ва тадбиркорлик олий мактаби** Дастур доирасида ўқув жараёнларини ташкил этиш, ўқув дастурларини замонавий ёндашувлар асосида ишлаб чиқиш, ўқитиш бўйича тренерларни танлаш ва Кичик бизнесга кўмаклашиш марказларининг (кейинги ўринларда – марказлар) раҳбар ва ходимлари малакасини оширишга **масъул ҳисобланади**;

марказлар ўқув жараёнларини Бизнес ва тадбиркорлик олий мактаби, унинг худудий филиаллари, олий таълим муассасалари, “Ишга марҳамат” мономарказлари, касб-хунарга ўқитиш марказлари, саноат корхоналари, эркин иқтисодий зоналари ва кичик саноат зоналари, технопарклар ҳамда саноат кластерлари билан **ўзаро ҳамкорликда амалга оширади**;

Дастурда иштирок этадиган тижорат банклари томонидан амалий ўқув курсларини муваффақиятли тугатиб, сертификат олган ташаббускорлар лойиҳалари мазкур қарорга 1-иловага мувофиқ тартибда молиялаштирилади;

Дастурда иштирок этиш, молиявий ва консултиватив қўллаб-қувватлаш воситаларидан фойдаланиш борасидаги барча жараёнлар, шу жумладан, тижорат банклари томонидан соддалаштирилган тартибда қарор қабул қилиш, кредит шартномаларини расмийлаштириш ва лойиҳаларни мониторинг қилиш **Бизнес портал** орқали амалга оширилади.

4. Иқтисодиёт ва молия вазирлиги ҳамда тижорат банкларининг қуйидаги таклифларига розилик берилсин:

а) “Бизнесни ривожлантириш банки” АТБга жойлаштирилган:

223 млрд сўм миқдоридаги субординар қарзнинг асосий қарз тўловини 2030 йилдан бошлаб **5 йил давомида** тенг улушларда қайтариш;

320,9 млрд сўм миқдоридаги кредит линияси маблағларини қайтаришнинг сўнгги муддатини ўзгартирмаган ҳолда, асосий қарз тўловини 2030 йилдан бошлаб тенг улушларда тўлаб бериш шарти билан **субординар қарз сифатида қайта расмийлаштириш**;

б) “Микрокредитбанк” АТБга **977 млрд сўм** миқдоридаги ресурс жойлаштириш мақсадида тузилган кредит ва депозит шартномалари бўйича қолдиқ суммасини шартномаларнинг дастлабки шартларини ўзгаришсиз қолдирган ҳолда **субординар қарз сифатида қайта расмийлаштириш**;

в) “**Ҳар бир оила – тадбиркор**” дастури доирасида “Микрокредитбанк” АТБга жойлаштирилган **425 млрд сўм** миқдоридаги депозит маблағларни қайтариш муддатини **7 йилга узайтириш**.

Бунда мазкур банднинг “а” ва “б” кичик бандларида назарда тутилган маблағлар Дастур доирасидаги лойиҳаларни молиялаштиришга йўналтирилади.

Иқтисодиёт ва молия вазирлиги **икки ҳафта** муддатда тегишли шартномаларга ушбу банддан келиб чиқиб ўзгартириш ва қўшимчалар киритилишини таъминласин.

5. Ўзбекистон Республикаси Президентининг “Кичик бизнесни ривожлантиришни молиявий ва институционал қўллаб-қувватлаш чора-тадбирлари тўғрисида” 2023 йил 14 сентябрдаги ПҚ–306-сон қарорига мувофиқ марказлар орқали лойиҳаларни молиялаштириш учун давлат активлари ва қишлоқ хўжалигига мўлжалланмаган ерларни сотишдан тушадиган **1,0 трлн сўм** миқдоридаги маблағни “Кичик бизнесни ривожлантириш жамғармаси” МЧЖга (кейинги ўринларда – Жамғарма) **10 йил муддатга фойзсиз бюджет ссудаси** сифатида ажратиш назарда тутилганлиги маълумот учун қабул қилинсин.

Белгилансинки, ушбу ссуда 2024–2026 йилларда босқичма-босқич куйидаги тартибда ажратилади:

а) Иқтисодиёт ва молия вазирлиги, Давлат активларини бошқариш агентлиги ҳамда Жамғарма ўртасида тузиладиган шартномага мувофиқ Давлат активларини бошқариш, трансформация ва хусусийлаштириш жамғармасига давлат активларини сотишдан тушадиган маблағлар ҳисобидан республика бюджетига қайтариш шарти билан – **800 млрд сўм**;

б) Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Иқтисодиёт ва молия вазирлигининг ҳудудий бошқармалари ҳамда Жамғарма ўртасида тузиладиган шартномаларга мувофиқ қишлоқ хўжалигига мўлжалланмаган ерларни сотишдан тушадиган маблағлар ҳисобидан – **200 млрд сўм**.

Ўзбекистон Республикаси Бош вазирининг ўринбосари – иқтисодиёт ва молия вазири Ж.А. Қўчқоров **икки ҳафта** муддатда мазкур бандда назарда тутилган маблағларни ажратиш графигини тасдиқласин.

6. **2024 йил 1 февралдан бошлаб** шундай тартиб ўрнатилсинки, унга кўра:

Солиқ қўмитаси Бизнес порталдаги маълумотлар асосида Дастур доирасида молиявий қўллаб-қувватлаш воситаларидан фойдаланишни бошлаган кичик тадбиркорлик субъектлари тўлаган солиқ суммасининг **икки йил давомида** алоҳида ҳисобини юритади ҳамда Иқтисодиёт ва молия вазирлигига **ҳар ойда** маълумот тақдим этиб боради;

Иқтисодиёт ва молия вазирлиги **ҳар ярим йиллик якунлари бўйича** Солиқ қўмитаси маълумотлари асосида мазкур тадбиркорлик субъектлари томонидан тўланган **солиқлар ҳажмига тенг миқдорда** “Бизнесни ривожлантириш банки” АТБга **фойзсиз бюджет ссудаси** ажратади.

7. “Бизнесни ривожлантириш банки” АТБ:

икки ой муддатда халқаро молия институтлари, консалтинг компаниялари ва экспертларни жалб этган ҳолда банкнинг активлари, операцион ва бизнес жараёнларини тўлиқ хатловдан ўтказиб, самарасиз харажатларни қисқартириш ва банк ташкилий тузилмасини оптималлаштириш чора-тадбирларини;

2024 йил 1 апрелга қадар 2024–2026 йилларда банкни ривожлантириш ва рақамли трансформация қилиш стратегиясини тасдиқласин.

8. Ўзбекистон Республикаси Президентининг “Кичик бизнесни ривожлантиришни молиявий ва институционал қўллаб-қувватлаш чоратadbирлари тўғрисида” 2023 йил 14 сентябрдаги ПҚ–306-сон қарорига мувофиқ “Бизнесни ривожлантириш банки” АТБнинг **1,14 трлн сўмлик** қўшимча акцияларни чиқариш тўғрисидаги қарори Истикболли лойиҳалар миллий агентлигида давлат рўйхатидан ўтказилганлиги маълумот учун қабул қилинсин.

Истикболли лойиҳалар миллий агентлигига Иқтисодиёт ва молия вазирлиги билан биргаликда **бир ой муддатда** Тикланиш ва тараққиёт жамғармаси томонидан “Бизнесни ривожлантириш банки” АТБ устав капиталини ошириш учун ажратилган **75,0 млн АҚШ доллари** миқдоридagi маблағлар ҳисобидан “Бизнесни ривожлантириш банки” АТБнинг қўшимча акциялар чиқариш тўғрисидаги қарорига тегишли ўзгартириш ва қўшимчалар киритилиши муносабати билан уни давлат рўйхатидан ўтказиш тавсия этилсин.

9. “Микрокредитбанк” АТБ ҳамда Камбағалликни қисқартириш ва бандлик вазирлигининг:

аҳолини касб-ҳунарга ўқитиш ва малакасини ошириш, касаначиларга комплекс ёрдам бериш, касаначилар ва фаолиятини касаначилик асосида ташкил этмоқчи бўлган тадбиркорлик субъектларига бепул маслаҳат, консальтинг хизматларини кўрсатишга ихтисослашган “**Касаначилар мактаби**”ни ташкил этиш;

тажрибали касаначиларни “Касаначилар мактаби”да муассис сифатида иштирок этишга жалб қилиш;

ҳар йили оилавий тадбиркорликни ривожлантириш дастурлари доирасида “Микрокредитбанк” АТБга ажратилган ресурсларнинг камида **100 млрд сўм** қисмини касаначилик лойиҳаларини молиялаштиришга йўналтириш тўғрисидаги таклифларига розилик берилсин.

10. Камбағалликни қисқартириш ва бандлик вазирлиги:

“Микрокредитбанк” АТБга “Касаначилар мактаби” фаолиятини ташкил этиш ва ўқув дастурларини ишлаб чиқишга **услубий кўмаклашсин**;

“Касаначилар мактаби”да ишсиз ва банд бўлмаган фуқароларни ўқитиш, касаначиларга асбоб-ускуналар ва хомашё харид қилиш харажатлари белгиланган тартибда Хунармандчилик ва касаначиликни қўллаб-қувватлаш жамғармаси маблағлари ҳисобидан қоплаб берилишини таъминласин.

11. Вазирлар Маҳкамасининг 2022 йил 22 февралдаги 86-сон қарори билан тасдиқланган Махсус электрон тизим орқали рухсат этиш хусусиятига эга айрим ҳужжатларни бериш тартиб-таомиллари тўғрисидаги ягона низомга 2-иловага мувофиқ ўзгартириш ва қўшимчалар киритилсин.

12. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – иқтисодиёт ва молия вазири Ж.А. Қўчқоров зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2024 йил “20” январдаги 37-сон қарорига
1-илова

**“Кичик бизнесни узлуксиз қўллаб-қувватлаш”
комплекс дастури ташаббускорларини танлаш, уларнинг лойиҳаларини
қўллаб-қувватлаш ва молиялаштириш тўғрисида
НИЗОМ**

1-боб. Умумий қоидалар

1. Ушбу Низом “Кичик бизнесни узлуксиз қўллаб-қувватлаш” комплекс дастурида иштирок этиш ҳуқуқига эга ташаббускорлар лойиҳаларини танлаб олиш, молиялаштириш ҳамда мониторинг қилиш тартибини белгилайди.

2. Мазкур Низомда қуйидаги асосий тушунчалардан фойдаланилади:

Дастур – кичик бизнес субъектларини молиявий ва консултатив қўллаб-қувватлашни назарда тутувчи “Кичик бизнесни узлуксиз қўллаб-қувватлаш” комплекс дастури;

Жамғарма – Дастурни амалга оширишни ташкил этиш ҳамда “Кичик бизнесга кўмаклашиш маркази” МЧЖлар фаолиятини мувофиқлаштириб боришга масъул “Кичик бизнесни ривожлантириш жамғармаси” МЧЖ;

марказлар – Қорақалпоғистон Республикаси, вилоятлар ва Тошкент шаҳрида Дастур доирасида ташаббускорларни ўқитиш, лойиҳаларни амалга оширишга кўмаклашиш ва уларнинг мониторингини юритишга масъул бўлган “Кичик бизнесга кўмаклашиш маркази” МЧЖлар;

ҳамкор банклар – Дастур доирасида лойиҳаларни молиялаштиришда иштирок этувчи АТ “Халқ банки”, “Микрокредитбанк” АТБ ва бошқа тижорат банклари;

ҳоким ёрдамчиси – маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиси;

молиявий қўллаб-қувватлаш воситалари – Дастур доирасида кредит ажратиш, лизинг бериш, фоизсиз бўлиб тўлаш шарти билан қарз ажратиш, лойиҳаларда улушдор бўлиб иштирок этиш ва грант маблағлари тақдим этиш орқали кўрсатиладиган қўллаб-қувватлаш чоралари;

консултатив қўллаб-қувватлаш чоралари – Дастур доирасида лицензия, рухсатнома ва сертификатлар олиш, солиқ, божхона, ташқи савдо фаолияти, давлат харидлари, ер участкалари ва бино-иншоотлар ажратиш масалаларида кўмаклашиш, шунингдек, имтиёз ва преференциялар, бошқа енгилликлар ва имкониятлар бўйича маълумот ва маслаҳатлар бериш;

баҳолаш гуруҳи – истиқболли лойиҳаларни танлаб олиш, тоифаларга ажратиш ва бизнес лойиҳани баҳолашга масъул марказлар ҳузуридаги Лойиҳаларни баҳолаш ва танлаш гуруҳи;

лойиҳа ташаббускори – камида 1 йил узлуксиз фаолият юритиб келаётган якка тартибдаги тадбиркорлар, деҳқон хўжаликлари, ўзини ўзи банд қилганлар, ҳунармандлар, касаначилар, шунингдек, уч ва ундан ортиқ кишини доимий иш билан таъминлаб келаётган кичик тадбиркорлик субъектлари ва нодавлат таълим ташкилотлари ҳамда оилавий тадбиркорлик дастурлари доирасида ўз бизнес лойиҳаларини муваффақиятли амалга ошириб, ижобий кредит тарихига эга юридик ва жисмоний шахслар;

ваколатли органлар – Дастур доирасида лойиҳа ташаббускорларини танлаш, ўқитиш, лойиҳаларни баҳолаш ва амалга ошириш билан боғлиқ жараёнларда ўзаро ҳамкорлик қилувчи ташкилотлар;

Бизнес портал – Дастурда иштирок этиш билан боғлиқ бизнес жараёнларни автоматлаштирилган ҳолда ташкил этиш ва мувофиқлаштириб бориш имконини берадиган электрон платформа;

сертификат – амалий ўқув курсини муваффақиятли тугатиб, бизнес режасини ҳимоя қилган лойиҳа ташаббускорига марказлар томонидан тақдим қилинадиган ва Дастур доирасида молиявий қўллаб-қувватлаш воситаларидан фойдаланиш ҳуқуқини берувчи QR-кодли (штрихли) ҳужжат;

юқори технологик стартап – сўнгги технологиялар ва илм-фан ютуқларига асосланган инновацион маҳсулотларни (хизматларни) ишлаб чиқариш (кўрсатиш) ва тижоратлаштириш, янги ечимларни жорий этиш ёки мавжудларини яхшилашга қаратилган таваккалчилиги юқори бўлган лойиҳа;

улушга конвертация қилинадиган инвестиция – инвестор, жумладан, венчур фонди томонидан стартап лойиҳага келгусида унинг негизида ташкил этиладиган юридик шахс устав капиталидаги улушга конвертация қилиш шarti билан йўналтириладиган инвестициялар.

3. Дастурда иштирок этиш ва молиявий қўллаб-қувватлаш чораларидан Бизнес портал орқали фойдаланилади ва шу билан боғлиқ бизнес жараёнларининг ҳар бир босқичини онлайн кузатиш имконияти яратилади.

4. Дастур доирасида лойиҳа ташаббускорларини баҳолаш, ўқитиш, молиявий, консультатив қўллаб-қувватлаш ва лойиҳа мониторингини юритиш ушбу Низомга 1-иловадаги схемага мувофиқ амалга оширилади.

2-боб. Дастур иштирокчиларини танлаб олиш тартиби

5. Лойиҳа ташаббускори Дастурда иштирок этиш учун Бизнес портал орқали онлайн тарзда **икки босқичда мурожаат қилади:**

1-босқичда – лойиҳани танлаб олиш ва амалий ўқув курсида иштирок этиш учун лойиҳанинг дастлабки ҳисоб-китоблари ҳамда фойдаланиш режалаштирилган молиявий қўллаб-қувватлаш воситалари кўрсатилган ариза юборилади;

2-босқичда – сертификат олгандан сўнг зарур ҳужжатларни илова қилган ҳолда молиявий қўллаб-қувватлаш воситаларидан фойдаланиш учун ариза юборилади.

Дастур доирасида грант маблағларини тақдим этиш воситасидан фойдаланиш учун лойиҳа ташаббускорлари мазкур Низом 4-бобининг 6-параграфида белгиланган тартибда Бизнес портал орқали муружаат қилади.

6. Лойиҳани танлаб олиш ва амалий ўқув курсида иштирок этиш учун ариза берилгандан сўнг Бизнес портал орқали лойиҳа ташаббускори икки иш кунда скорингдан ўтказилади.

Скоринг учун зарур маълумотлар давлат органлари ва ташкилотлари ҳамда тижорат банкларидан электрон ахборот алмашинуви орқали олинади.

Лойиҳа ташаббускори скоринг натижалари тўғрисида Бизнес портал орқали хабардор қилинади.

7. Ҳоким ёрдамчиси уч кун муддатда бевосита жойига чиққан ҳолда скорингдан ўтган лойиҳа ташаббускори билан учрашиб, унинг ушбу Низомга 2-иловадаги саволнома асосида белгиланган мезонларга мувофиқлигини ўрганади ҳамда натижалари тўғрисидаги хулосани Бизнес порталга жойлаштиради.

Ҳоким ёрдамчисининг ижобий хулосалари асосида Бизнес-порталда автоматик равишда ташаббускорларнинг дастлабки рўйхати шакллантирилади.

8. Марказлар ҳузурида ушбу Низомга 3-иловага мувофиқ намунавий таркибда лойиҳаларни баҳолаш ва танлаш гуруҳлари ташкил қилинади.

Лойиҳа ташаббускорларининг фаолият даври, пул айланмаси ва ишчилар сонига қараб, уларнинг тадбиркорлик кўникмаси ва бизнес-режаларининг яшовчанлиги самарадорлиги Жамғарма томонидан тасдиқланадиган методика асосида баҳоланади. Баҳолаш методикаси Бизнес порталга жойлаштирилади.

9. Баҳолаш гуруҳлари уч кун муддатда дастлабки рўйхатга киритилган лойиҳа ташаббускорларининг истиқболли лойиҳаларини танлаб олади ва ушбу Низомга 4-иловага мувофиқ уларни тоифаларга ажратади.

3-боб. Марказлар томонидан ўқитиш жараёнини ташкил этиш

10. Марказлар лойиҳа ташаббускорларини ўқитиш учун Вазирлар Маҳкамаси ҳузуридаги Бизнес ва тадбиркорлик олий мактаби ва унинг ҳудудий филиаллари, Ўзбекистон Республикаси Олий таълим, фан ва инновациялар вазирлиги ҳузуридаги Инновацион ривожланиш агентлиги, олий таълим муассасалари, “Ишга марҳамат” мономарказлари, касб-хунарга ўқитиш марказлари, саноат корхоналари, эркин иқтисодий зоналар ва кичик саноат зоналари, технопарклар ҳамда саноат кластерлари билан ҳамкорликда қисқа ва ўрта муддатли амалий ўқув курсларини ташкил қилади.

Ўқув курсларини самарали ташкил қилиш мақсадида шартнома асосида нодавлат таълим ташкилотлари ҳам жалб қилиниши мумкин.

11. Лойиҳа ташаббускорлари амалий ўқув курсларида кичик тадбиркорлик субъектларининг лойиҳалари бўйича бизнес-режаларни ишлаб чиқиш, молиялаштириш ва ишга тушириш, сотув бозорларини кенгайтириш, хусусий инвестиция шерикларини жалб қилиш, бизнесни ташкил этиш ҳамда юритиш билан боғлиқ бошқа йўналишлар бўйича ўқитилади.

12. Лойиҳа ташаббускорлари амалий ўқув курслари якунларида бизнес-режасини ҳимоя қилади.

13. Қисқа ва ўрта муддатли амалий ўқув курсларини муваффақиятли тугатган ва ўз лойиҳасини ҳимоя қилган лойиҳа ташаббускорларига бир кун муддатда марказлар томонидан Дастур доирасидаги қўллаб-қувватлаш механизмларидан фойдаланиш ҳуқуқини берадиган сертификат тақдим этилади.

4-боб. Молиявий қўллаб-қувватлаш воситаларидан фойдаланиш тартиби

14. Молиявий қўллаб-қувватлаш воситаларидан фойдаланиш бўйича ариза лойиҳа ташаббускори томонидан мустақил равишда ёки марказларнинг кўмаги билан Бизнес портал орқали тақдим этилади.

15. Лойиҳа ташаббускори ўз аризасида қуйидаги молиявий қўллаб-қувватлаш воситаларидан бирини ёки бир нечтасини кўрсатиши мумкин:

100,0 млн сўмгача гаровсиз кредит;

150,0 млн сўмгача гаров талаби пасайтирилган револьвер кредит;

1,0 млрд сўмгача кредит;

1,5 млрд сўмгача кредит;

1,5 млрд сўмгача лизинг хизмати;

1,5 млрд сўмгача фоизсиз бўлиб тўлаш шарти билан қарзга асосий восита олиб бериш;

лойиҳа қийматининг 20 фоизигача қисмига, бироқ 1,0 млрд сўмгача бўлган миқдорда улушдор бўлиб иштирок этиш;

2,0 млрд сўмгача грант маблағлари тақдим этиш.

16. Лойиҳа ташаббускорига бир вақтнинг ўзида бир нечта молиявий қўллаб-қувватлаш воситалари тақдим қилинганда, уларнинг умумий миқдори 2 млрд сўмдан ошмаслиги лозим.

Тадбиркорлик субъектлари ушбу лимит доирасида мавжуд кредитга қўшимча равишда молиявий қўллаб-қувватлаш воситаларидан такроран фойдаланишларига рухсат этилади.

17. Молиялаштириш маъқуланган аризалар мавжуд ресурс маблағлари доирасида рўйхатга олинган идентификация рақами кетма-кетлиги асосида молиялаштириб борилади.

18. Дастур бўйича тақдим қилинадиган молиявий қўллаб-қувватлаш воситалари тижорат банкларида бухгалтерия ҳисобининг ҳисобварақлар режасига мувофиқ алоҳида ҳисобварақларда юритилади.

1-§. Кредит ва лизинг ажратиш

19. Лойиҳа ташаббускори кредит (ёки лизинг) хизматидан фойдаланиш учун Бизнес портал орқали ўз аризасига хизмат кўрсатувчи тижорат банкининг ички кредит сиёсатидан келиб чиқиб тегишли ҳужжатларни илова қилади.

Талаб этиладиган ҳужжатлар рўйхати таянч банк ва ҳамкор банклар томонидан Бизнес порталга жойлаштирилади.

20. Лойиҳа ташаббускорларидан кўшимча ҳужжатлар талаб қилишга йўл қўйилмайди. Тижорат банклари бошқа идораларда мавжуд ахборот ва маълумотларни Бизнес портал орқали идоралараро электрон ҳамкорлик йўли билан мустақил равишда олади.

21. Аризалар беш иш кунидан ошмаган муддатда кўриб чиқилиб, натижаси бўйича кредит (лизинг) ажратиш ёки уни рад этиш ҳақида қарор қабул қилинади.

Бунда 1 млрд сўмгача кредит (лизинг) ажратиш тўғрисидаги қарор тижорат банкларининг ҳудудий филиаллари томонидан қабул қилинади.

22. Тегишли ҳужжатлар тўлиқ тақдим этилмаган ёки ёлғон маълумотлар тақдим этилган ҳолларда, аризани кўриб чиқиш рад этилади. Бошқа сабабларга кўра аризани кўриб чиқишни рад этиш тақиқланади.

2-§. Фоизсиз бўлиб тўлаш шарти билан қарзга асосий восита олиб бериш

23. Лойиҳа ташаббускори Бизнес портал орқали ўз аризасига Жамғарма қарори асосида белгиланган ҳужжатларни илова қилади. Бунда мазкур ҳужжатлар рўйхати Бизнес порталда очиқ-ошкора эълон қилинади ва унда назарда тутилмаган ҳужжатларни талаб қилиш тақиқланади.

24. Аризалар беш иш кунидан ошмаган муддатда кўриб чиқилиб, натижаси бўйича марказлар томонидан мазкур молиявий ёрдам инструментини тақдим этиш ёки уни рад этиш ҳақида қарор қабул қилинади.

25. Тегишли ҳужжатлар тўлиқ тақдим этилмаган ёки ёлғон маълумотлар тақдим этилган, шунингдек, талабгор белгиланган талабларга номувофиқ бўлган ҳолларда молиявий ёрдам воситасини тақдим этиш рад этилади. Бошқа сабабларга кўра, аризани кўриб чиқишни рад этиш тақиқланади.

3-§. Лойиҳаларда давлат мулки объекти билан улушдор бўлиб иштирок этиш воситаси

26. Лойиҳа ташаббускори янги лойиҳаларга ва мавжуд ишлаб чиқаришни кенгайтиришга оид лойиҳаларига бўш турган давлат мулки объектлари (кейинги ўринларда – объект) билан мазкур лойиҳа амалга оширилаётган тадбиркорлик субъектининг устав капиталига улушдор бўлиб кириш тўғрисидаги аризани Бизнес портал орқали қуйидагиларни илова қилган ҳолда марказларга юборади:

аниқ объектга доир тегишли маълумотлар;

лойиҳа қиймати, шу жумладан, лойиҳа ташаббускори томонидан молиялаштирилдиган қисмининг манбалари.

27. Марказлар томонидан лойиҳа ташаббускори ҳисобланган тадбиркорлик субъекти устав капиталида иштирок этиши қуйидагилар орқали амалга оширилади:

савдода турган объектни сотиб олиш тўловларини амалга ошириш учун Марказлар томонидан мазкур тўлов суммасини (ёки унинг бир қисмини) мақсадли равишда Марказлар улуши сифатида расмийлаштириш шарти билан лойиҳа ташаббускорига ўтказиб бериш орқали;

савдога қўйилмаган объектларни Ўзбекистон Республикаси Давлат активларини бошқариш агентлиги (кейинги ўринларда – Агентлик) томонидан марказлар улуши сифатида лойиҳа ташаббускорига устав капиталига киритиш орқали. Бунда мазкур объектнинг баҳолаш ташкилоти томонидан аниқланган қиймати (ёки унинг бир қисми) марказлар томонидан Агентликка бир ой муддатда ўтказиб берилади.

3.1-§. Савдода турган объект қиймати тўловларини амалга ошириш

28. Савдода турган объект қиймати тўловларини амалга ошириш учун лойиҳа ташаббускори томонидан марказларга қуйидагилар тақдим этилади:

аукцион натижалари тўғрисидаги баённома;

лойиҳа ташаббускорининг устав капиталида шаклландиган марказларга тегишли улуш миқдори ҳамда тадбиркорлик субъекти таъсисчилари сафига киритилишини маъқуллаш тўғрисидаги Иштирокчилар умумий йиғилиши қарори;

лойиҳани амалга ошириш бизнес-режаси.

29. Марказлар бир ҳафта муддатда тақдим этилган ҳужжатлар тўлиқлиги, бизнес-режанинг Баҳолаш методикасига мувофиқлигини ўрганиб чиқиб, лойиҳа ташаббускорига молиявий ёрдам воситасини тақдим этиш ёки уни рад этиш тўғрисида қарор қабул қилади.

30. Марказлар ўз қарорини қабул қилгандан кейин икки кун муддатда лойиҳа ташаббускори билан тадбиркорлик субъекти устав капиталида иштирок этиш тўғрисидаги келишув лойиҳасини тақдим этади.

Келишув тузилгандан сўнг объект қиймати тўловлари суммаси (сумманинг бир қисми) тадбиркорлик субъектига ўтказиб берилади.

3.2-§. Савдога қўйилмаган объектларни Агентлик томонидан марказлар улуши сифатида лойиҳа ташаббускори устав капиталига киритиш

31. Савдога қўйилмаган объектни Агентлик томонидан марказлар улуши сифатида лойиҳа ташаббускори устав капиталига киритиш учун лойиҳа ташаббускори томонидан марказга бизнес-режа тақдим этилади.

32. Марказлар бир ҳафта муддатда бизнес-режанинг Баҳолаш методикасига мувофиқлигини ўрганиб чиқиб, лойиҳа ташаббускорига молиявий ёрдам воситасини тақдим этиш ёки рад этиш тўғрисида қарор қабул қилади.

33. Молиявий ёрдам воситасини тақдим этиш тўғрисида қарор қабул қилинганда:

марказлар томонидан икки кун муддатда Агентликка объектни лойиҳа ташаббускорининг устав капиталига киритиш мақсадида уни баҳолаш ва устав капиталига марказлар улуши сифатида бериш тўғрисида қарор қабул қилиш юзасидан Бизнес портал орқали муурожаат юборади;

Агентлик икки ҳафта муддатда объектни тадбиркорлик субъекти устав капиталига киритиш масаласини балансда сақловчи билан келишади.

Балансда сақловчи розилиги олинган ҳолда икки ҳафта муддатда объектни баҳолашини ташкил этади ва баҳолаш ҳисоботини марказларга тақдим этади. Бунда баҳолаш хизматлари ҳақи марказлар томонидан Агентликка қоплаб берилади;

Марказ томонидан икки кун муддатда объектни баҳолаш тўғрисидаги ҳисобот лойиҳа ташаббускорига тақдим этилади.

34. Лойиҳа ташаббускори томонидан марказларга лойиҳа ташаббускорининг устав капиталида шаклланадиган Марказга тегишли улуш миқдори ҳамда тадбиркорлик субъекти таъсисчилари сафига киритилишини маъқуллаш тўғрисидаги Иштирокчилар умумий йиғилиши қарори тақдим этилади.

35. Марказлар икки кун муддатда лойиҳа ташаббускори билан тадбиркорлик субъекти устав капиталида иштирок этиш тўғрисидаги келишув лойиҳасини тақдим этади.

Келишув тузилгандан сўнг Агентлик томонидан объектни лойиҳа ташаббускори устав капиталига марказлар улушини шакллантириш ҳисобига киритиш тўғрисида буйруқ қабул қилинади ва объектни сотиб олиш тўловлари суммаси (суммасининг бир қисми) марказлар томонидан Агентликка ўтказиб берилади. Бунда объектнинг баҳоланган қиймати лойиҳа ташаббускори устав капиталининг 20 фоиздан ортиғини ташкил этса, объект учун тўловнинг қолган қисми лойиҳа ташаббускори томонидан тўланади.

4-§. Лойиҳаларда ер участкалари билан улушдор бўлиб иштирок этиш

36. Қишлоқ хўжалигида фойдаланилмайдиган ер участкаларига (кейинги ўринларда – ер участкалари) бўлган мулк ҳуқуқи ва ижара ҳуқуқи лойиҳа ташаббускори томонидан электрон онлайн-аукцион орқали лойиҳани амалга оширишнинг эҳтиёжидан келиб чиқиб сотиб олинади.

Ер участкаларини сотиб олиш учун лойиҳа ташаббускори томонидан марказларга қуйидагилар тақдим этилади:

аукцион натижалари тўғрисидаги баённома;

лойиҳа ташаббускорининг устав капиталида шаклландиган марказларга тегишли улуш миқдори ҳамда тадбиркорлик субъекти таъсисчилари сафига киритилишини маъқуллаш тўғрисидаги Иштирокчилар умумий йиғилиши қарори;

лойиҳани амалга ошириш бизнес-режаси.

37. Марказлар бир ҳафта муддатда тақдим этилган ҳужжатлар тўлиқлиги, бизнес-режанинг Баҳолаш методикасига мувофиқлигини ўрганиб чиқиб, лойиҳа ташаббускорига молиявий ёрдам воситасини тақдим этиш ёки уни рад этиш тўғрисида қарор қабул қилади.

38. Марказлар ўз қарорини қабул қилгандан кейин икки кун муддатда лойиҳа ташаббускори билан тадбиркорлик субъекти устав капиталида иштирок этиш тўғрисидаги келишув лойиҳасини тақдим этади.

Келишув тузилгандан сўнг объект қиймати суммаси (сумманинг бир қисми) тадбиркорлик субъектига ўтказиб берилади.

5-§. Лойиҳаларда асбоб-ускуналар, бино ва иншоотлар ҳамда бошқа кўринишдаги моддий активлар билан улушдор бўлиб иштирок этиш

39. Асбоб-ускуналар, бино ва иншоотлар ҳамда бошқа кўринишдаги моддий активларни (кейинги ўринларда – моддий активлар) марказлар улуши сифатида лойиҳа ташаббускорининг устав капиталига киритиш учун лойиҳа ташаббускори Бизнес портал орқали марказларга ариза беради.

Аризага қуйидаги маълумотлар илова қилинади:

бино ва иншоот(лар) бўйича – жойлашган жойи, ўлчамлари, конструкциялари, техник ҳолати, нархига тегишли маълумотлар;

асбоб-ускуна ва бошқа кўринишдаги моддий активлар бўйича – уларнинг хусусияти, технологик вазифаси ва нархига тегишли маълумотлар;

лойиҳани амалга ошириш бизнес-режаси.

40. Марказлар бир ҳафта муддатда (баҳолаш талаб этилган тақдирда бир ойдан ортиқ бўлмаган муддатда) тақдим этилган ҳужжатларни тўлиқлиги, бизнес-режанинг Баҳолаш методикасига мувофиқлигини ўрганиб чиқиб, лойиҳа ташаббускорига молиявий ёрдам воситасини тақдим этиш ёки уни рад этиш тўғрисида қарор қабул қилади.

Бунда марказлар кўчмас мулк объектлари нархига оид шакланган бозор маълумотлари таҳлилидан келиб чиқиб, объектнинг мулкдори билан келишувга асосан объектни баҳолашдан ўтказиши мумкин.

41. Молиявий ёрдам воситасини тақдим этиш тўғрисида қарор қабул қилинган тақдирда, марказлар бир кун муддатда лойиҳа ташаббускорига келишув лойиҳасини юборади.

Бунда объектни сотиб олиш шартлари, сотиб олишдаги марказларнинг ҳамда лойиҳа ташаббускорининг улуши, олди-сотди шартномаси лойиҳаси (мавжуд бўлса) ҳамда бино ва иншоотни киритиш ҳисобига тадбиркорлик субъектининг устав капиталидаги улушлар тақсимотига оид ҳисоб-китоблар кўрсатилади.

42. Лойиҳа ташаббускори бир ой муддатдан кечикмай келишув лойиҳасини маъқуллайди ёки рад этади. Келишув маъқулланганда, марказларнинг тадбиркорлик субъекти таъсисчилари сафига киритилишини маъқуллаш тўғрисидаги қарор илова қилинади.

43. Бино ва иншоот марказлар томонидан сотиб олинганда олди-сотди шартномаси икки томонлама тарзда, марказлар томонидан лойиҳа ташаббускори иштирокида сотиб олинганда уч томонлама тарзда расмийлаштирилади.

Сотиб олинган бино ва иншоотни лойиҳа ташаббускори ҳисобланган тадбиркорлик субъекти устав капиталига киритиш масаласи у сотиб олингандан кейин уч кундан кечиктирмай тадбиркорлик субъектининг тегишли бошқарув органи муҳокамасига киритилиши лозим.

6-§. Лойиҳалар учун грант маблағларини тақдим этиш

44. Лойиҳа ташаббускори Бизнес портал орқали марказларга ариза тақдим этади ва унга Вазирлар Маҳкамасининг 2020 йил 9 мартдаги 133-сон қарори билан тасдиқланган “Стартап” лойиҳаларни тасдиқлаш, молиялаштириш ва амалга ошириш тартиби тўғрисидаги низом талаблари асосида ишлаб чиқилган лойиҳа ҳужжатларини илова қилади.

45. Аризаларга мувофиқ лойиҳа ҳужжатлари беш иш кунда баҳолаш гуруҳлари томонидан қуйидаги мезонлар асосида 100 баллик шкала бўйича баҳоланади:

инновационлиги;

ижтимоий қиймати ва таъсири;

асосчи ва жамоанинг салоҳияти;

ечимнинг мақсадга мувофиқлиги;

амалдаги ҳолати;

амалга ошириш самарадорлиги;

лойиҳанинг мавжуд аналогларидан фарқи ҳамда мавжуд рақобатчилардан афзаллиги;

лойиҳанинг инвестицион жозибадорлиги ҳамда юқори ўсиш салоҳиятига эга эканлиги;

лойиҳанинг амалга оширилишидан кутилаётган натижа;

молиявий кўрсаткичлар таҳлили.

Бунда 70 баллдан юқори баҳоланган лойиҳалар танлаб олинади ва Ўзбекистон Республикаси Олий таълим, фан ва инновациялар вазирлиги ҳузуридаги Инновацион ривожланиш агентлигига юборилади.

46. Ўзбекистон Республикаси Олий таълим, фан ва инновациялар вазирлиги ҳузуридаги Инновацион ривожланиш агентлиги ўн беш иш кунида тақдим этилган лойиҳа ҳужжатларини кўриб чиқиб, маъқулланган лойиҳаларни марказларга тақдим этади. Бунда Инновацион ривожланиш агентлиги:

лойиҳаларни Ўзбекистон Республикаси Олий таълим, фан ва инновациялар вазирлиги ҳузуридаги Илмий-техник кенгаш муҳокамасига киритилишини;

Илмий-техник кенгаш муҳокамасидан муваффақиятли ўтган лойиҳаларни Ўзбекистон Республикаси Олий таълим, фан ва инновациялар вазирлиги ҳузуридаги Илм-фан ва инновациялар кенгаши муҳокамасида стартап лойиҳани молиялаштириш тўғрисида қарор қабул қилинишини ташкил қилади.

47. Марказлар маъқулланган лойиҳа ташаббускорларини мазкур Низомнинг 3-бобида белгиланган тартибда махсус дастурлар асосида ўқитади ва сертификат олган ташаббускорларни грант маблағлари ажратиш учун Ўзбекистон Республикаси Олий таълим, фан ва инновациялар вазирлиги ҳузуридаги Инновацион ривожланиш агентлигига йўналтиради.

48. Ўзбекистон Республикаси Олий таълим, фан ва инновациялар вазирлиги ҳузуридаги Инновацион ривожланиш агентлиги мазкур лойиҳаларни ўн беш кун муддатда белгиланган тартибда молиялаштиришни бошлайди.

49. Ўзбекистон Республикаси Олий таълим, фан ва инновациялар вазирлиги ҳузуридаги Инновацион ривожланиш агентлиги давлат илмий дастурлари доирасида молиялаштирилган тижоратлаштириш ва стартап лойиҳалари рўйхатини амалиётга жорий қилиш ва кенгайтиришни қўллаб-қувватлаш мақсадида марказларга тақдим этиб боради.

5-боб. Маслаҳат хизматларини кўрсатиш тартиби

50. Лойиҳа ташаббускорлари сўровига кўра, марказлар томонидан қуйидаги масалалар бўйича маълумот ва маслаҳатлар берилади.

лицензия, рухсатнома ва сертификатлар олиш, божхона ҳамда солиқ маъмуриятчилиги, экспорт ва импорт операциялари, шартномаларни расмийлаштириш;

давлат харидларида иштирок этиш, шунингдек, ер участкалари, бино ва иншоотларни сотиб олиш ёки ижарага олиш ва лойиҳалаштириш;

тадбиркорликни қўллаб-қувватлаш бўйича амалдаги имтиёз ва преференциялар, мавжуд бошқа енгилликлар ва имкониятлар.

51. Марказлар зарур ҳолларда лойиҳа ташаббускорларига давлат органларидан тегишли ҳужжатларни олиш, шунингдек, имтиёз ва преференциялар қўлланилишини таъминлашда кўмаклашади.

6-боб. Яқунловчи қоидалар

52. Ушбу Низом талабларини бузганликда айбдор шахслар қонунчилик ҳужжатларида белгиланган тартибда жавобгар бўлади.

53. Дастур доирасида лойиҳа ташаббускори ёки иштирокчилар ваколатли органларнинг, Жамғарма, марказлар ва тижорат банклари масъул ходимларининг, ҳоким ёрдамчисининг ҳаракатлари (ҳаракатсизлиги) устидан қонунчилик ҳужжатларида белгиланган тартибда шикоят қилиши мумкин.

54. Давлат органлари ва уларнинг мансабдор шахсларига марказлар фаолиятига, шу жумладан, уларнинг лойиҳа ташаббускорларини танлаб олиш, лойиҳаларни баҳолаш ва молиялаштириш, раҳбар ходимларини тайинлашга аралаштириш, шунингдек, марказлар маблағлари ҳисобидан турли хил хайрия (ҳомийлик) тўловлар ва бадаллар талаб қилиш тақиқланади.

“Кичик бизнесни узлуксиз қўллаб-қувватлаш” комплекс дастури ташаббускорларини танлаш, уларнинг лойиҳаларини қўллаб-қувватлаш ва молиялаштириш тўғрисидаги низомга
1-илова

Дастур доирасида лойиҳа ташаббускорларини баҳолаш, ўқитиш, молиявий ва консултатив қўллаб-қувватлаш ва лойиҳа мониторингини юритиш СХЕМАСИ

Босқичлар	Масъул ижрочилар	Тадбирлар	Муддатлар
1-босқич	Лойиҳа ташаббускори	1. Дастурда иштирок этиш учун Бизнес порталда рўйхатдан ўтиб, молиявий воситани кўрсатган ҳолда ариза юборади.	Ўз хоҳишига кўра
	Бизнес портал (инсон омилсиз)	2. Ариза берувчи онлайн скорингдан ўтказилади ҳамда натижаси Марказга юборилади.	Автоматик тарзда
	Кичик бизнесга кўмаклашиш маркази	3. Онлайн скорингда ижобий деб баҳоланганда, лойиҳа жойига чиққан ҳолда намунавий шаклдаги электрон саволнома асосида ўрганиш учун масъул ҳоким ёрдамчисига юборилади.	Келиб тушган кундан кечиктирмасдан
	Ҳоким ёрдамчиси	4. Ўрганиш натижаларини Бизнес портал орқали марказга юборади.	Уч кун муддатда
	Бизнес портал (инсон омилсиз)	5. Ташаббускорларнинг дастлабки рўйхати шакллантирилади.	Автоматик тарзда
2-босқич	Кичик бизнесга кўмаклашиш маркази хузуридаги Лойиҳаларни баҳолаш ва танлаш гуруҳлари	1. Дастлабки рўйхатга киритилган ташаббускорларнинг тадбиркорлик кўникмаси ва бизнес-режаларининг яшовчанлигини баҳолаш асосида истиқболли лойиҳалар танлаб олинади ва уларнинг фаолият даври, пул айланмаси ва ишчилар сонига қараб тоифага ажратилади ҳамда ўқитиш учун йўналтирилади.	Уч кун муддатда
	Кичик бизнесга кўмаклашиш маркази	2. Тавсия этилган лойиҳа ташаббускорлари қисқа ва ўрта муддатли амалий ўқув курсларида (масофавий ёки анъанавий) ўқитилади.	Танланган ўқув дастурига мувофиқ
	Кичик бизнесга кўмаклашиш маркази	3. Тест (имтиҳон) синовларини муваффақиятли топширган ҳамда тайёрлаган бизнес-режасини муваффақиятли ҳимоя қилган ташаббускорга сертификат берилади.	Бир кун муддатда

3-босқич	Лойиха ташаббускори	1. Сертификат олган ташаббускор комплекс дастур доирасидаги қўллаб-қувватлаш механизмларидан фойдаланиши учун хизмат кўрсатаётган ҳамкор банкка молиявий воситалардан фойдаланиш бўйича Бизнес портал орқали онлайн ариза билан мурожаат қилади. Лойиха ташаббускори кредит (ёки лизинг) хизматидан фойдаланиш учун Бизнес портал орқали ўз аризасига хизмат кўрсатувчи тижорат банкининг ички кредит сиёсатидан келиб чиқиб, тегишли ҳужжатларни илова қилади	Ўз хоҳишига кўра
		2. Ариза ва тақдим этилган тегишли ҳужжатлар кўриб чиқилиб, натижаси бўйича қуйидаги мос ҳолдаги ваколатли идоралар молиявий воситалардан фойдаланиш ёки уни рад этиш ҳақида қарор қабул қилинади. Бунда:	
	Тижорат банки	кредит (лизинг)	Беш кун муддатда
	Кичик бизнесга кўмаклашиш маркази	бўлиб тўлаш шarti билан қарз	Беш кун муддатда
		улуш киритиш	Киритилаётган улуш шаклидан келиб чиқиб белгиланади
Инновацион ривожланиш агентлиги	грант	15 иш кунда	
4-босқич	Кичик бизнесга кўмаклашиш маркази, тижорат банклари	1. Иштирокчилар лойиҳаларининг мунтазам мониторинги юритилади.	Ҳар чоракда
		2. Марказ лойиҳага улушдор бўлиб кирган лойиҳалардаги ўз улушини бозор тамойиллари асосида белгиланган тартибда сотади.	Белгиланган тартиб ҳамда муддатларда

“Кичик бизнесни узлуксиз қўллаб-қувватлаш” комплекс дастури ташаббускорларини танлаш, уларнинг лойиҳаларини қўллаб-қувватлаш ва молиялаштириш тўғрисидаги низомга
2-илова

“Кичик бизнесни узлуксиз қўллаб қувватлаш” комплекс дастури лойиҳа ташаббускори
нинг фаолият юритиш жойига чиқиб ўрганиш
СЎРОВНОМАСИ

Ташкилот номи/ФИО	<input type="text"/>		
СТИР/ПИНФЛ	<input type="text"/>	Телефон рақами	<input type="text"/>
Тадбиркорлик фаолият тури	<input type="text"/>		
Лойиҳа мақсади	<input type="text"/>		
Қайси банк мижози	<input type="text"/>		
Лойиҳани амалга ошириш жойи	<input type="text"/>		
Кадастр ёки ижара шартномаси рақами	<input type="text"/>		
Сўралаётган молиявий восита номи	<input type="text"/>		
Микдори	<input type="text"/>		
Таъминот тури	<input type="text"/>	Сони	<input type="text"/>
		Реквизитлари	<input type="text"/>
Охириги 12 ойлик пул айланмаси	<input type="text"/>		
	<i>(мавжуд бўлса)</i>		

Оилавий тадбиркорлик дастурида иштирок этган

Мавжуд кредит қолдиғи	<input type="text"/>			
Кредит маблағининг мақсадли ишлатилгани	<input type="checkbox"/>	Ҳа	<input type="checkbox"/>	Йўқ
Яратилган ишчи ўринлари	<input type="text"/>	Жами ишчилар сони	<input type="text"/>	

Хулоса

Лойиҳа ташаббускорини дастлабки рўйхатга киритиш тавсия этиладими? Ҳа Йўқ

Изоҳ

<input type="text"/>



Ҳоким
ёрдамчиси

Изоҳ. * Ушбу маълумотлар Бизнес портал орқали автоматик равишда тўлдирилади.

** Ушбу маълумотлар тегишли ташкилотлар билан интеграция қилинунига қадар маълумотлар анъанавий шаклда олиниб, сўровномага киритилади ва бу тўғрисида изоҳ каттачасида баён қилади.

“Кичик бизнесни узлуксиз кўллаб-қувватлаш” комплекс
дастури ташаббускорларини танлаш, уларнинг лойиҳаларини
кўллаб-қувватлаш ва молиялаштириш тўғрисидаги низомга
3-илова

**Лойиҳаларни баҳолаш ва танлаш гуруҳининг
НАМУНАВИЙ ТАРКИБИ**

1. *Лавозими бўйича* – “Кичик бизнесга кўмаклашиш маркази” МЧЖ
директори – *Лойиҳаларни баҳолаш ва танлаш
гуруҳи раҳбари*
2. *Лавозими бўйича* – Маҳаллада тадбиркорликни ривожлантириш,
аҳоли бандлигини таъминлаш ва камбағалликни
қисқартириш масалалари бўйича туман (шаҳар)
ҳокими ёрдамчиси
3. *Келишувга асосан* – Лойиҳа ташаббускорига хизмат кўрсатувчи
тижорат банкининг ишончли вакили
4. *Келишувга асосан* – Эксперт
5. *Келишувга асосан* – Ўзбекистон Республикаси Олий таълим, фан
ва инновациялар вазирлиги ҳузуридаги
Инновацион ривожланиш агентлиги вакили

Ташаббускорларни тоифаларга ажратиш мезонлари

T/p	Тоифалар	1-тоифа		2-тоифа			3-тоифа		4-тоифа
1	Молиявий восита тури	100 миллион сўмгача гаровсиз кредитлар	150 миллион сўмгача гаров талаби пасайтирилган револьвер кредитлар	1 миллиард сўмгача кредитлар	1,5 миллиард сўмгача кредитлар	1,5 миллиард сўмгача лизинг хизматлари кўрсатиш	1,5 миллиард сўмгача фоизсиз бўлиб тўлаш шarti билан қарзга асосий восита олиб бериш	Лойиҳаларда 1 миллиард сўмгача миқдорда улушдор бўлиб иштирок этиш	2 миллиард сўмгача грант маблағлари тақдим этиш
2	Воситани олиш мақсади	ишлаб чиқаришни ташкил этиш	ишлаб чиқаришни ташкил этиш	асосий воситаларни сотиб олиш	асосий воситаларни сотиб олиш	асбоб-ускуналар, технологик жиҳозлар ва махсус техникаларни сотиб олиш	асбоб-ускуналар, технологик жиҳозлар ва махсус техникаларни сотиб олиш	бўш турган давлат мулки объектлари ва ер майдонлари, асбоб-ускуналар, бино ва иншоотлар ҳамда бошқа қўринишдаги моддий активларни сотиб олиш	инновацион ишланмаларни тижоратлаштириш ва юқори технологик стартап лойиҳаларни молиялаштириш
3	Ишчи ўринларнинг мавжудлиги	якка тартибдаги тадбиркорлар, деҳқон хўжаликлари, ўзини ўзи банд қилган шахслар, хунармандлар, касаначилар, нодавлат таълим ташкилотлари, уч ва ундан ортиқ кишини доимий иш билан таъминлаётган кичик тадбиркорлик субъектлари	кичик тадбиркорлик субъектлари-3 ва ундан ортиқ кишини доимий иш билан таъминлаётган	кичик тадбиркорлик субъектлари-камида 5 нафар кишини доимий иш билан таъминлаётган	кичик тадбиркорлик субъектлари-камида 10 нафар кишини доимий иш билан таъминлаётган	кичик тадбиркорлик субъектлари-камида 10 нафар кишини доимий иш билан таъминлаётган	кичик тадбиркорлик субъектлари-камида 10 нафар кишини доимий иш билан таъминлаётган	кичик тадбиркорлик субъектлари-камида 10 нафар кишини доимий иш билан таъминлаётган	кичик тадбиркорлик субъектлари-3 ва ундан ортиқ кишини доимий иш билан таъминлаётган
4	Пул айланмасига талаб	талаб мавжуд эмас	талаб мавжуд эмас	охирги 12 ойда айланма маблағлари миқдори 500 млн сўмдан 10 млрд сўмгача	охирги 12 ойда айланма маблағлари миқдори 1 млрд сўмдан 10 млрд сўмгача	охирги 12 ойда айланма маблағлари миқдори 1 млрд сўмдан 10 млрд сўмгача	охирги 12 ойда айланма маблағлари миқдори 1 млрд сўмдан 10 млрд сўмгача	охирги 12 ойда айланма маблағлари миқдори 1 млрд сўмдан 10 млрд сўмгача	талаб мавжуд эмас

Вазирлар Маҳкамасининг
2024 йил “20” январдаги 37-сон қарорига
2-илова

**Вазирлар Маҳкамасининг 2022 йил 22 февралдаги 86-сон қарори
билан тасдиқланган Махсус электрон тизим орқали рухсат этиш
хусусиятига эга айрим ҳужжатларни бериш тартиб-таомиллари
тўғрисидаги ягона низомга киритилаётган
ўзгартириш ва қўшимчалар**

20-иловада:

а) 7-позициянинг учинчи устуни қуйидаги мазмундаги тўртинчи хатбоши билан тўлдирилсин:

“Кичик бизнесга кўмаклашиш марказлари томонидан янги лойиҳалар учун тадбиркорлик субъектларига тор доирадаги мутахассис сифатида жалб қилинган чет эл фуқаролари учун – базавий ҳисоблаш миқдорининг 1 баравари миқдорида”;

тўртинчи – ўнинчи хатбошилар тегишлича бешинчи – ўн биринчи хатбошилар деб ҳисоблансин;

б) 11-позициянинг учинчи устуни қуйидаги мазмундаги “а¹” кичик банди билан тўлдирилсин:

“а¹) Кичик бизнесга кўмаклашиш марказлари тавсиясига асосан янги лойиҳалар доирасида тор доирадаги мутахассис сифатида жалб қилинган чет эл фуқаролари учун – тасдиқномалар меҳнат шартномаси амал қиладиган муддатга, бироқ уч йилдан ортиқ бўлмаган муддатга чексиз марта узайтириш имконияти билан, аммо ҳар бир ҳолатда уч йилдан ортиқ бўлмаган муддатга”.

